

# Filastròca di C. Francia – L. Ravasio

Söl mar gh'éra öna góndola  
con dét **regina e rè**  
**ch'i se sgiunfàa perchè...**  
söl mar gh'éra öna góndola  
con dét regina e rè.

Po' gh'è egnìt fò la lüna  
**mèza**, la lüna **smórta**:  
chissà 'ndo che la **pórta**  
l'amùr e la fürtüna?

Söl mar gh'éra öna góndola  
con dét ün òm de **scènsa**  
**che l' se sentia 'n cossiènsa...**  
de stà sö 'n d' öna góndola  
con dét ün òm de siènsa.

Po' gh'è egnìt fò la lüna  
**mèza**, la lüna **stramba**:  
chissà pò 'ndo **la 'ntamba**  
l'amùr e la fürtüna?

Söl mar gh'éra öna góndola  
con dét **du murusì**  
**che i se ninàa ü tantì...**  
pròpe come öna góndola  
con dét du murusì.

Po' gh'è egnìt fò la lüna  
**mèza**, la lüna **straca**:  
per mètega in **bissaca**  
speransa, amùr, fürtüna.